

新式標點

王陽明全書

乙亥二月

杜就田署



陽明全書卷三

外集

賦

太白樓賦

丙辰

歲丙辰之孟冬兮，泛扁舟予南征。凌濟川之驚濤兮，覽層構乎任城。曰太白之故居兮，儼高風之猶在。蔡侯導余以從陟兮，將放觀乎四海。木蕭蕭而亂下兮，江浩浩而無窮。鯨敖敖而湧海兮，鷗翼翼而承風。月生輝於采石兮，日留景於嶽峯。蔽長煙乎天姥兮，渺匡廬之雲松。慨昔人之安在兮，吾將上下求索而不可蹇。子雖非白之儔兮，遇季真之知我。羌後人之視今兮，又烏知其不果。吁嗟太白，公奚爲其居此兮？余奚爲其復來？倚穹霄以流盼兮，固千載之一哀。昔夏桀之顛覆兮，尹退乎莘之野。成湯之立賢兮，迺登庸而伐夏。謂鼎俎其要說兮，維黨人之擠詬。曾聖哲之匡時兮，夫焉前枉而直後。當天寶之末代兮，淫好色以信讒。惡來妹喜其猖獗兮，衆皆狐媚以貪婪。判獨毅而不顧兮，爰命夫以僕妾之役。甯直死以顯領兮，夫焉患得而局促。開元之紹基兮，亦遑遑其求理。生逢時以就列兮，固雲臺麟閣而容與。夫何漂泊于天之涯兮，登斯樓乎延伫。信流俗之嫉妬兮，自前世而固然。懷夫子之故都兮，沛余涕之淩淩。廟堂之偃蹇兮，或非情之所好。惟不合於斯世

兮，恣沈酣而遠眺。進吾不遇於武丁兮，退吾將顏氏之簞瓢。奚鍾聽其昏迷兮，亦夫子之所逃。管仲之輔糾兮，孔聖與其改行。佐璜而失節兮，始以見道之未明。覩夜郎之有作兮，橫逸氣以徘徊。亦初心之無他兮，故雖悔而弗摧。吁嗟其誰無過兮，抗直氣之爲難。輕萬乘於褐夫兮，固孟軻之所嘆。曠絕代而相感兮，望天宇之漫漫。去夫子其千祀兮，世益隘以周容。媒婦妾以馳驚兮，又從而爲之吮癰。賢者化而改度兮，競規曲以爲同。卒曰：嶧山青兮河流瀉，風颺颺兮澹平野。憑高樓兮不見舟楫紛兮，樓之下舟之人兮儼服，亦有庶幾夫子之蹤者。

九華山賦

壬戌

循長江而南下，指青陽以幽討。啓鴻濛之神秀，發九華之天巧。非效靈於坤軸，孰構奇於玄造。涉五溪而徑入，宿無相之窈窕。訪王生於遂谷，掬金沙之清潦。凌風雨乎半霄，登望江而遠眺。步千仞之蒼壁，俯龍池於深窅。弔謫仙之遺跡，躋化城之縹緲。欽鉢孟之朝露，見蓮花之孤標。扣雲門而望天柱，列仙舞於晴昊。儼雙椒之闢門，真人駕陽雲而獨躋。翠蓋平臨乎石照，綺霞掩映乎天姥。二神升於翠微，九子鄰於積稻。炎熇起於玉輶，爛石碑之文藻。同澄秋於枕月，建少微之星旄。覆甌承滴翠之餘瀝，展旗立雲外之旌蘇。下安禪而步逍遙，覽雙泉於松杪。踰西洪而憩黃石，懸百丈之灝灝。瀨流觴而縈紆，遺石船於澗道。呼白鶴於雲峯，釣嘉魚

陽明全書 外集 賦

二

於龍沼，倚透碧之龍吼，謝塵寰之紛擾。攀齊雲之崢嶸，鑑琉璃之浩漾。沿東陽而西嘯，九節之蒲草。樵人導余以冥探，排碧雲之瑤島。羣鸞翳其繆藹，失陰陽之昏曉。垂七布之沈沈，靈龜隱而復眺。履高僧而屢招賢，開白日之杲杲。試明若於春陽，泐垂雲之淵湫。凌繡壁而據石屋，何文殊螺髻之蟠梯。梯拱辰而北盼，驟遺光於拾寶。緇裳迓於黃袍，休圓寂之幽鳥。鳥呼春於叢篁，和雲韶之驪歌。喚起促余之晨興，落星河於篠簹。護山嘔其驚飛，恠遊人之太早。攬卉木之如濯，被晨暉而爭妓。靜鏡聲之剝啄，幽人劉參蕨於冥杳。碧雞藏於青林，鷗翻雲而失皓。隱揚藥於樛蘿，挾提壺餅焦而翔繞。鳳凰承孟冠以相遺，飲沆瀣之仙醪。羞竹實以嬉翔，集梧枝之嫋嫋。嵐欲雨而霏霏，鳴濕濕於薔薇。躡三遊而轉青，峭拂天香於茫渺。席泓潭以濯纓，浮桃瀉而揚縞。淙淙漸而落蔭，飲猿猱之捷狡。睨斧柯而昇大還，望會仙於雲表。憫子京之故宅，教知微之碧桃。條金光之閃映，陡累景於穹坳。弄玄珠於赤水，舞千尺之潛蛟。並花塘而峻極，散香林之迴颺。拂浮屠之尖兀，泛五釵之翠濤。襲珍芳於絕巘，曼金步之搖落。莎羅躑躅芬敷而燦耀，幢玉女之妖嬌。寧龍鬚於寶，墮鉢囊之飄飄。開仙掌於嶽嶽，散青磬之迢迢。披白雲而躡崑崙，見參錯之僧寮。日既夕而山冥，掛星辰於隆巖。宿南臺之明月，虎夜嘯而龍咆。鹿麋羣遊於左右，若將侶幽人之岑寥。迢高寒其無寐，聞冰壑之洞簫。溪女厲晴澗而曝衣，雜精苓之春苗。邀予觴以玉液，飯玉粒之瓊瑤。渣辭予而遠去，颯

霞裾之飄飄。復中峯而悵望，或仙蹤之可招。迺下見陽陵之蜿蜒，忽有感於子明之宿要。逝予將遺世而獨立，採石芝於層霄。雖長處於窮僻，迺永離乎懸壺。彼蒼黎之緝緝，固吾生之同胞。苟顛連之能濟，吾豈斬於一毛。矧狂胡之絳獺，王師局而奔勞。吾甯不欲請長纓於闕下，快平生之鬱陶。顧力微而任重，懼覆敗於或遭。又出位以圖遠，將無詣於鵲鵲。嗟有生之迫隘，等滅沒於風泡。亦富貴其奚爲，猶榮華之一朝。嗚呼百世而興感，蔽雄傑於蓬蒿。吾誠不能同草木而腐朽，又何避乎羣喙之呶呶。已矣乎，吾其鞭風霆而騎日月，被九霄之翠袍。搏鵬翼於北溟，釣三山之巨鰲。道崑崙而息駕，聽王母之雲璈。呼浮丘於子晉，招句曲之三茅。長遨遊於碧落，共太虛而逍遙。辭曰：

弓屈平賦

丙寅

蓬壺之藐藐兮，列仙之所逃兮。九華之矯矯兮，吾將於此巢兮。匪塵心之足攪兮，念鞠育之劬勞兮。苟初心之可紹兮，永矢弗撓兮。

正德丙寅，某以罪謫貴陽，取道沅湘，感屈原之事，爲文而弔之。其詞曰：

山黯慘兮江夜波，風飄飄兮木落森柯。汎中流兮焉泊，湛椒醕兮弔湘纍。雲冥冥兮月星蔽晦，冰峻嶮兮霰又下。壘之宮兮，安在悵無見兮愁予。高岸兮嶽嶽，紛糾錯兮樛枝。下深淵兮不測，

穴澗洞兮蛟螭。山岑兮無極。空谷餘兮迥寥寂。猿啾啾兮吟雨。熊羆隳兮虎交蹟。念懷之窮兮焉託。處四山無人兮駭狐鼠。魑魅遊兮羣跳。嘯出入兮爲蠱。姦宄妖孽正直兮。反詆爲殃。昵比上官兮子蘭。爲賊幽叢薄兮疇侶。懷故都兮增傷。望九疑兮參差。就重華兮陳辭。沮積雪兮礪道絕。洞庭渺邈兮天路迷。要彭咸兮江潭。召申屠兮使驂娥。鼓瑟兮馮夷舞。聊邀遊兮湘之浦。乘回波兮泊蘭渚。嗟故都兮獨延伫。君不還兮。爲墟。心豈鬱兮欲誰語。郢爲墟兮函輅亦焚。讒鬼逋戮兮快不酬。冤歷千載兮耿忠愴。君可復兮排帝閭。望逋跡兮渭陽。其罹囚兮其佯以狂。艱貞兮晦明懷。若人兮將予退藏。宗國淪兮摧肺腑。忠憤激兮中道難。勉低回兮不忍。溘自沈兮心所安。雄之譏兮讒啄。衆狂穉兮謂疊揚。已爲魑爲魅兮爲讒媵。疊視若鼠兮佞賴有此。疊忽舉兮雲中龍。薪掩霧兮飄風橫。四海兮倏忽。駟玉虬兮上衝。降望兮大壑。山川蕭條兮濟寥廓。逝遠去兮無窮。懷故都兮蜷局。辭曰：

日西夕兮沅湘流。楚山嵯峨兮無冬秋。疊不見兮涕泗。世愈隘兮孰知我憂。

思歸軒賦

庚辰

陽明子之官于虔也。靡之後。喬木蔚然。退食而望。若處深麓。而遊於其鄉之園也。構軒其下。而名之曰思歸焉。門人相謂曰：「歸乎！夫子之役役於兵革。而沒沒於微纆也。而靡寒暑焉。而靡

昏朝焉。而髮蕭蕭焉。而色焦焦焉。雖其心之固鬱鬱也。而不免於嘔歔焉。嗟。嗟。嗟。亦奚爲乎。稿中竭外。而徒以勞勞焉。爲乎哉。且長谷之迢迢也。窮林之寥寥也。而耕焉。而樵焉。亦焉往而弗宜矣。夫退身以全節。大知也。斂德以享道。大時也。怡神養性以遊於造物。大熙也。又夫子之夙期也。而今日之歸。又奚以思爲乎哉。則又又相謂曰：「夫子之思歸也。其亦在陳之懷歟。吾黨之小子。其狂且簡。偃偃然若瞽之無與偕也。非吾夫子之歸。孰從而裁之乎。則又相謂曰：「嗟乎。夫子而得其歸也。斯土之人爲失其歸矣乎。天下之大也。而皆若是焉。其誰與爲理乎。雖然。夫子而得其歸也。而後得於道。惟夫天下之不得於道也。故若是其賢賢。夫道得而志全。志全而化理。化理而人安。則夫斯人之徒。亦未始爲不得其歸也。而今日之歸。又奚疑乎。而奚以思爲乎。陽明子聞之。撫然而歎曰：「吾思乎。吾思乎。吾親老矣。而暇以他爲乎。雖然之言也。其始也。吾私焉。其次也。吾資焉。又其次也。吾幾焉。」乃援琴而歌之。歌曰：「歸兮歸兮。又奚疑兮。吾行日非兮。吾親日衰兮。胡不然兮。日思予旋兮。後悔可遷兮。歸兮歸兮。二三子之言兮。」

告言

丙寅

正德丙寅冬十一月。守仁以罪下錦衣獄。省愆內訟。時有所述。既出而錄之。

何玄夜之漫漫兮。悄予懷之獨結。嚴霜下而增寒兮。噉明月

之在隙。風吹以憎木兮，鳥驚呼而未息。魂營營以倘恍兮，日宵
有其焉極！懷寒飈之中人兮，杳不知其所自。夜展轉而九起兮，沾
予襟之如酒。胡定省之弗遑兮，豈荼甘之如薺？懷前哲之耿光兮，
恥周容以爲比。何天高之冥冥兮，孰察予之衷？予匪戚於累囚兮，
憫匪予之爲憫。沛洪波之浩浩兮，造雲阪之濛濛。稅予駕其安止
兮，終予去此其焉從？孰瘼瘼之在頸兮，謂累足之何傷？熏目而弗
顧兮，惟盲者以爲常。孔訓之服膺兮，惡計以爲直。辭婉孌期巷遇
兮，豈予言之未力？皇天之無私兮，鑒予情之靡他。寧保身之弗知
兮，膺斧鑕之謂何？蒙出位之爲愆兮，信愚忠而蹈亟。苟聖明之有
裨兮，雖九死其焉恤？辭曰：

予年將中，歲月遒兮。深谷惝恍，逝息遊兮。飄然凌風，八極周
兮。孰樂之同，不均憂兮。匪修名崇仁之求兮，出處時從，天命何憂
兮。

外集 詩

守儉弟歸，日仁歌楚聲爲別，予亦和

之

庭有竹兮青青，上喬木兮鳥嚶嚶；妹之來兮，弟與偕行。竹青
青兮，雨風鳥嚶嚶兮；西東弟之歸兮，兄誰與同？江雲閣兮，暑雨江
波渺渺兮；愁予弟別兄兮，須臾兄思弟兮，何處景翳翳兮桑榆念

重閣兮離居。路修遠兮崎嶇，沮風波兮江湖。山有洞兮洞有雲，深
林窅窅兮澗道曠。松落落兮葛纍纍，猿啾啾兮鶴怨羣。山之入兮
不歸山，鬼囊嘯兮下上煙霧。風嫋嫋兮桂花落，草萋萋兮春日遲。
葺予屋兮雲間，荒予圃兮溪之陽。驅虎豹兮無踐我藿，擾麋鹿兮
無駭我場。解予綬兮鍾阜，委予佩兮江涓。往者不可追兮，歎鳳德
之日衰。將沮溺其耦耕兮，孰接輿之避予。回予駕兮扶桑，鼓予枻
兮滄浪。終攜汝兮空谷，採三秀兮徜徉。

祈雨辭

正德丙子南嶺作

嗚呼！十日不雨兮，田且無禾；一月不雨兮，川且無波。一月不
雨兮，民已爲疴。再月不雨兮，民將奈何！小民無罪兮，天無咎民；撫
巡失職兮，罪在予臣。嗚呼盜賊兮，爲民大屯。天或罪此兮，赫威降
兮。民則何罪兮？玉石俱焚。嗚呼！民則何罪兮？天何遽怒？油然興雲
兮，雨茲下土。彼罪曷逋兮，哀此窮苦。

歸越詩三十五首

弘治壬戌年，以刑部主事告病
歸越，并楚遊作。

遊牛峯寺四首

牛峯今改名浮峯。

洞門春靄蔽深松，飛磴縹緲空轉石峯。猛虎踞厓如出柙，斷嶺
蟠頂訝懸鐘。金城絳闕應無處，翠壁丹書尙有踪。天下名區皆一
到此，山殊不厭來重。

縈紆鳥道入雲松，下數湖南百二峯；巖犬吠人時出樹，山僧迎客自鳴鐘。凌飈防險眞扶病，異日探奇是舊踪；欲扣靈關問丹訣，春風蘿薜隔重重。

偶尋春寺入層峯，曾到渾疑是夢中；飛鳥去邊懸棧道，馮夷宿處有幽宮。溪雲晚度千巖雨，海月涼飄萬里風。夜擁蒼厓臥丹洞，山中亦自有王公。

一臥禪房隔歲心，五峯煙月聽猿吟；飛湍映樹懸蒼玉，香粉吹香落細金。翠壁年多霜蘚合，石牀春盡雨花深。勝遊過眼俱陳迹，珍重新題滿竹林。

又四絕句

翠壁看無厭，山池坐益滯；深林落輕葉，不道是秋聲。

怪石有千窟，老松多半枝；清風灑巖洞，是我再來時。

巖頭碧樹紅。

人間酷暑避不得，清風都在深山中；池邊一坐卽三日，忽見雨到淨峯興轉劇，醉眠三日不知還；眼前風景色色異，惟有人聲似世間。

姑蘇吳氏海天樓次鄺尹韻

晴雪吹寒春事濃，江樓三月尙殘冬；青山暗逐回廊轉，碧海眞成捷徑通。風暖簷牙雙燕劇，雲深簾幙萬花重。倚闌天北疑回

首，想像丹梯下六龍。

山中立秋日偶書

風吹蟬聲亂，林臥鷺新秋。山池靜澄碧，暑氣亦已收。青峯出白雲，尖兀成瓊樓。祖楊坐溪石，對之心悠悠。倏忽無定態，變化不可求。浩然發長嘯，忽起雙白鷗。

夜雨山翁家偶書

山空秋夜靜，月明松檜涼；沿溪步月色，溪影搖空蒼；山翁隔水語，酒熟呼我嘗；褰衣涉溪去，笑引開竹房；謙言值暮夜，盤殮百無將；露華明橘柚，摘獻冰盤香；洗盞對酬酢，浩歌入蒼茫；醉拂巖石臥，言歸遂相忘。

尋春

十里湖光放小舟，謾尋春事及西鷗；江鷗意到忽飛去，野老情深只自留。日暮草香含雨氣，九峯晴色散溪流。吾儕是處皆行樂，何必蘭亭說舊遊。

西湖醉中謾書二首

十年塵海勞魂夢，此日重來眼倍清；好景恨無蘇老筆，乞歸徒有賀公情。白鳥飛處青林晚，翠壁明邊返照晴。爛醉湖雲宿湖

寺，不知山月墮江城。

掩映紅粧莫謾猜，隔林知是藕花開。共君醉臥不須到，自有香風拂面來。

九華山下柯秀才家

蒼峯抱層嶂，翠瀑繞雙溪；下有幽人宅，蘿深客到迷。

夜宿無相寺

春宵臥無相，月照五溪花；掬水洗雙眼，披雲看九華。巖頭金佛國，樹杪謫仙家；彷彿聞笙鶴，青天落絳霞。

題四老圍棋圖

世外煙霞亦許時，至今風致後人思；卻懷劉項當年事，不及山中一著棋。

無相寺三首

老僧巖下屋，繞屋皆松竹；朝聞春鳥啼，夜伴巖虎宿。坐望九華碧，浮雲生曉寒；山靈應祕惜，不許俗人看。靜夜聞林雨，山靈似欲留；只愁梯石滑，不得到峯頭。

化城寺六首

化城高住萬山深，樓閣憑空上界侵。天外清秋度明月，人間微雨結浮陰。鉢龍降處雲生座，巖虎歸時風滿林。最愛山僧能好事，夜堂燈火伴孤吟。

雲裏軒窗半上鉤，望中千里見江流。高林日出三更曉，幽谷風多六月秋。仙骨自憐何日化，塵緣翻覺此生浮。夜深忽起蓬萊興，飛上青天十二樓。

雲端鼓角落星斗，松頂袈裟散雨花。一百六峯開碧漢，八十四梯踏紫霞。山空仙骨葬金槲，春暖石芝抽玉芽。獨揮談麈拂煙霧，一笑天地真無涯。

化城天上寺，石磴入星躔。雲外開丹井，峯頭耕石田。月明猿聽偈，風靜鶴參禪。今日揩雙眼，幽懷二十年。

僧屋煙蘿外，山深絕世譚。茶分龍井水，飯帶石田砂。香細雲嵐雜，窗高峯影遮。林棲無一事，終日弄丹霞。

突兀開穹閣，氤氳散曉鐘。飯遺黃稻粒，花發五釵松。金骨藏靈塔，神光照遠峯。微茫竟何是，老衲話遺蹤。

李白祠二首

千古人豪去，空山尚有祠。竹深荒舊徑，鮮合失殘碑。雲雨羅文藻，溪泉繫夢思。老僧殊未解，猶自索題詩。

謫仙棲隱地，千載尚高風。雲散九峯雨，巖飛百丈虹。寺僧傳舊事，詞客弔遺蹤。回首蒼茫外，青山感慨中。

雙峯

凌崖望雙峯，蒼茫竟何在。載拜西北風，爲我掃浮靄！

蓮花峯

夜靜涼颼發，輕雲散碧空。玉鉤掛新月，露出青芙蓉。

列仙峯

靈峭九萬丈，參差生曉寒。僊人招我去，揮手青雲端。

雲門峯

雲門出孤月，秋色坐蒼濤。夜久羣籟絕，獨照宮錦袍。

芙蓉閣二首

青山意不盡，還向月中看。明日歸城市，風塵又馬鞍。
巖下雲萬重，洞口桃千樹。終歲無人來，惟許山僧住。

書梅竹小畫

寒倚春背蒼玉杖，九華峯頂獨歸來。柯家草亭深雲裏，卻有梅花傍竹開。

山東詩六首

弘治甲子年起復，主試山東時。

登泰山五首

曉登泰山道，行行入煙靄。陽光散巖壑，秋容淡相輝。雲梯掛青壁，仰見蛛絲微。長風吹海色，飄飄送天衣。峯頂動笙樂，青童兩相依。振衣將往從，凌雲忽高飛。揮手若相待，丹霞閃餘暉。凡軀無健羽，悵望未能歸。

二

天門何崔嵬！下見青雲浮。泱泱絕人世，迥豁高天秋。暝色從地起，夜宿天上樓。天雞鳴半夜，日出東海頭。隱約蓬壺樹，縹緲扶桑洲。浩歌落青冥，遺響入滄流。唐虞變楚漢，滅沒如風漚。貌矣鶴山僊，秦皇豈堪求！金砂費日月，顏頤竟難留。吾意在龐古，冷然馭涼颼。相期廣成子，太虛顯遨遊。枯槁向巖谷，黃綺不足儔。

三

窮厓不可極，飛步凌煙虹。危泉瀉石道，空影垂雲松。千峯互攢簇，掩映青芙蓉。高臺倚巉削，傾側臨崆峒。失足墮煙霧，碎骨顛厓中。下愚竟難曉，摧折紛相從。吾方坐日觀，披雲笑天風。赤水問軒后，蒼梧叫重瞳。隱隱落天語，闐闐開玲瓏。去去勿復道，濁世將

四

塵網苦纏縈，富貴真露草；不如騎白鹿，東遊入蓬島；朝登太
洪灣，隔縹緲，揚輝出海峯，來作天門曉；遙見碧霞君，翩翩起
玉女，紫鸞笙，雙吹入晴昊，舉首望不及，下拜風浩浩；擲我玉
璽之殊未了，傍有長眉翁，一一能指道；盜此煉金砂，人間跡

五

我才不救時，匡扶志空大；置我有無間，緩急非所賴；孤坐萬
厓然，遺下塊已矣，復何求？至精諒斯在，澹泊非虛杳；灑脫無
世人，聞予言，不笑即吁怪；吾亦不强語，惟復笑相待；魯叟不
此意聊自快。

泰山高次王內翰司獻韶

歟！生誠楚人，但識廬山高。廬山之高猶可計尋丈；若夫泰山
恍惚，吾不知其尚在青天之下乎？其已直出青天上！我欲倣
作泰山高，但恐培塿之見，未能測識高大，筆底難具狀；扶輿
元氣鍾，突兀半遮天地東；南衡北恆西秦華，俯視僂僂爭
衰茫昧乍隱見，雷雨初解開鴻濛；繡壁丹梯，煙霏靄靄；海日

初湧，照耀蒼翠。平麓遠抱滄海灣，日觀正與扶桑對。聽濤聲之下
瀉，知百川之東會。天門石扇，豁然中開；幽崖邃谷，巖積隱埋；中有
遯世之流，龜潛蟄伏，飡霞吸秀於其間，往往怪謠多僊才。上有百
丈之飛湍，懸空絡石穿雲而直下，其源疑自青天來。巖面膚寸出
煙霧，須臾滂沱，徧九垓。古來登封七十二主，後來相效紛紛如雨。
玉檢金匱無不爲，只今埋沒知何許？但見白雲猶復起，封中斷碑
無字，天外日月磨。剛風飛舉過眼倏，超忽飄蕩，豈復有遺蹤！天空
翠華遠，落日辭千峯。魯郊獲麟，岐陽會鳳，明堂既毀，闕宮興頌。宣
尼曳杖，逍遙一去不復來。幽泉鳴咽而含悲，羣嶺拱揖如相送。俯
仰宇宙，千載相望，墮山喬嶽，尙被其光峻極配天，無敢頡頏。嗟乎
瞻眺門牆外，何能彷彿窺室堂也！來攀附攝遺跡，三千之下，不知
亦許再拜占末行吁嗟乎泰山之高，其高不可極，半壁回首，此身
不覺已在東斗傍。

京師詩八首

弘治乙丑年，改除兵部主事時作。

憶龍泉山

我愛龍泉寺，寺僧頗疎野；盡日坐井欄，有時臥松下。一夕別
山雲，三年走車馬，媿殺巖下泉，朝夕自清瀉。

憶諸弟

久別龍山雲，時夢龍山雨。覺來枕簟涼，諸弟在何許？終年走風塵，何似山中住。百歲如轉蓬，拂衣從此去。

寄舅

老舅近何如？心性老不改；世政惱情懷，光陰不相待。借問同輩中，鄉隣幾人在？從今且爲樂，舊事無勞悔。

送人東歸

五洩佳山水，平生思一遊。送子東歸省，尊鱸況復秋。幽探須及壯，世事苦悠悠。來歲春風裏，長安憶故邱。

寄西湖友

予有西湖夢，西湖亦夢予。三年成闊別，近事竟何如？況有諸賢在，他時終卜廬。但恐吾歸日，君還軒冕拘。

贈陽伯

陽伯卽伯陽，伯陽竟安在？大道卽人心，萬古未嘗改。長生在求仁，金丹非外待。繆矣三十年，于今吾始悔。

故山

鑑水終年碧，雲山盡日閑。故山不可到，幽夢每相關。霧約言

長隱，雲龍欲共攀。緣如丹壑意，未勝紫宸班。

憶鑑湖友

長見人來說，扁舟每獨遊。春風梅市晚，月色鑑湖秋。空有煙霞好，猶爲塵世留。自今當勇往，先與報江鷗。

獄中詩十四首

正德丙寅年十二月，以上疏竹道人下錦衣獄作。

不寐

天寒歲云暮，冰雪關河迥。幽室魍魎生，不寐知夜永。驚風起林木，驟若波浪洶。我心良匪石，詎爲戚欣動。滔滔眼前事，逝者去相踵。匡窮猶可陟，水深猶可泳。焉知非日月，胡爲亂予衷。深谷自逶迤，煙靄日悠永。匡時在賢達，歸哉盍耕墾。

有室七章

有室如慶，周之崇墉；窺如穴處，無秋無冬。耿彼屋漏，天光入之；瞻彼日月，何嗟及之。候晦候明，凄其以風；倏雨倏雪，當晝而蒙。夜何其矣，靡星靡粲；豈無白日，寤寐永嘆。心之憂矣，匪家匪室；或其啓矣，殞予匪恤。氤氳其埃，日之光矣；淵淵其鼓，明既昌矣。

朝既式矣，日既夕矣；悠悠我思，曷其極矣！

讀易

囚居亦何事？省愆懼安飽。曛坐玩易，洗心見微奧。乃知先天翁，畫畫有至教。包蒙戒爲寇，董愷事宜早。蹇蹇匪爲節，蹇蹇未遑道。遯四獲我心，疊上庸自保。俛仰天地間，觸目俱浩浩。箴諷有餘樂，此意良匪矯。幽哉陽明麓，可以忘吾老。

歲暮

兀坐經旬成木石，忽驚歲暮還思鄉。高簷白日不到地，深夜點鼠時登牀。峯頭齊雪開草閣，瀑下古松間石房。溪鶴洞猿爾無恙，春江歸棹吾相將。

見月

屋罅見明月，還見地上霜。客子夜中起，旁皇涕沾裳。匪爲嚴霜苦，悲此明月光。流光如流水，徘徊照高堂。胡爲此幽室，奄忽踰飛揚。逝者不可及，來者猶可望。盈虛有天運，嘆息何能忘！

天涯歲暮冰霜結，永巷人稀罔象遊。長夜星辰瞻閣道，曉天鐘鼓隔雲樓。思家有淚仍多病，報主無能合遠投。留得昇平雙眼在，且應簪笠臥滄洲。

屋罅月

幽室不知年，夜長晝苦短；但見屋罅月，清光自虧滿。佳人宴清夜，繁絲激哀管；朱閣出浮雲，高歌正凄婉。甯知幽室婦，中夜獨愁嘆；良人事遊俠，經歲去不返；來歸在何時？年華忽將晚。蕭條念宗祀，淚下長如霰。

別友獄中

居常念朋舊，簿領成闊絕；嗟我二三友，胡然此簪盞。累累囹圄閒，誦誦未能輟；桎梏敢忘罪，至道良足悅。所恨精誠渺，尙口徒自蹶。天王本明聖，旋已但中熱；行藏未可期，明當與君別。願言無詭隨，努力從前哲。

赴謫詩五十五首

正德丁卯年，赴謫貴陽龍場驛作。

答汪抑之三首

去國心已惘，別子意彌惻。伊邇怨朝夕，況茲萬里隔。戀戀歧路間，執手何能默？子有昆弟居，而我遠親側；回思菽水懽，養子何由得？知子念我深，夙夜敢忘惕！良心忠信資，燈螢非我戚。

北風春尙號，浮雲正南馳。風雲一相失，各在天一涯。客子懷往路，起視明星稀。驅車赴長阪，迢迢入嵐霧。旅宿蒼山底，霧雨昏

朝彌間關不足道，嗟此白日微！切嗟懷良友，願言毋心違！

聞子賦斯屋，來歸在何年？索居間楚越，連峯鬱參天。緬懷巖中隱，磴道窮扳緣。江雲動蒼壁，山月流澄川。朝探石上芝，暮漱松間泉。鵬湖有前約，鹿洞多遺編。寄子春鴻書，待我秋江船。

陽明子之南也，其友湛元明歌九章

以贈崔子鍾和之以五詩，於是陽明子作八詠以答之。

君莫歌九章，歌以傷我心。微言破寥寂，重以離別吟。別離悲尙淺，言微感逾深。瓦缶易諧俗，誰辯黃鐘音？

其二

君莫歌五詩，歌之增離憂。豈無良朋侶，洵樂相遨遊。譬彼桃與李，不爲倉困謀。君莫忘五詩，忘之我焉求！

其三

洙泗流浸微，伊洛僅如綫。後來三四公，瑕瑜未相掩。嗟予不量力，跛蹙期致遠。屢興還屢仆，惴息幾不免。道逢同心人，秉節倡予敢。力爭毫釐間，萬里或可勉。風波忽相失，言之淚徒泫。

其四

此心還此理，寧論已與人。千古一嘘吸，誰爲數離羣？浩浩天地內，何物非同春。相思帆奮勵，無爲俗所分。但使心無間，萬里如相親。不見宴遊交，微逐胥以淪。

其五

器道不可離，二之卽非性。孔聖欲無言，下學從泛應。君子勤小物，蘊蓄乃成行。我誦窮索篇，於子旣聞命。如何園中士，空谷以爲靜。

其六

靜虛非虛寂，中有未發中。中有亦何有，無之卽成空。無欲見眞體，忘助皆非功。至哉玄化機，非子孰與窮？

其七

憶與美人別，贈我青琅函。受之不敢發，焚香始開緘。諷誦意彌遠，期我濂洛間。道遠恐莫致，庶幾終不慚。

其八

憶與美人別，惠我雲錦裳。錦裳不足貴，遺我冰雪腸。寸腸亦

何遺誓言終不渝珍重美人意深秋以爲期。

南遊三首

元明與予有衡嶽羅浮之期賦南遊

申約也。

南遊何迢迢蒼山亦南馳如何衡陽雁不見燕臺書莫歌禮
浦曲莫弔湘君祠蒼梧煙雨絕從誰問九疑

其二

九疑不可問羅浮如可攀遙拜羅浮雲箕以雙瓊環渺渺洞
庭波東逝何時還人生不努力草木同衰殘

其三

洞庭何渺茫衡嶽何崔嵬風飄迴雁雪美人歸未歸我有紫
瑜珮留掛芙蓉臺下有蛟龍峽往往興雲雷

憶昔答喬白巖因寄儲柴墟三首

憶昔與君約玩易探玄微君行赴西嶽經年始來歸方將事
窮索忽復當遠辭相去萬里餘後會安可期問我長生訣惑也吾
誰欺盈虧消息間至哉天地機聖狂天淵隔失得分毫釐

其二

毫釐何所辯惟在公與私公私何所辯天動與人爲遺體豈
不貴踐形乃無虧願君崇德性問學刊支離無爲氣所役毋爲物
所疑恬淡自無欲精專絕交馳博奕亦何事好之甘若飴吟咏有
性情喪志非所宜非君愛忠告斯語容見阻試問柴墟子吾言亦
何如

其三

柴墟吾所愛春陽溢鬢眉白巖吾所愛慎默長如愚二君廊
廟器予亦山泉姿度量較齒德長者皆吾師置我五人末庶亦忘
崇卑迢迢萬里別心事兩不疑北風送南雁慰我長相思

一日懷抑之也抑之之贈既嘗答以

三詩意若有歉焉是以賦也。

一日復一日去子日以遠惠我金石言沈鬱未能展人生各
有際道誼尤所眷嘗嘆兒女悲憂來仍不免緬懷滄洲期聊以慰
遲晚

其一

遲晚不足數人命各有常相去忽萬里河山鬱蒼蒼中夜不

能寐，起視江月光。中情良自抑，美人難自忘。

其三

美人隔江水，彷彿若可親。風吹兼葭雪，飄蕩知何處？美人有瑤瑟，清奏含太古。高樓明月夜，惆悵爲誰鼓？

夢與抑之昆季語，湛崔皆在焉，覺而有感，因紀以詩三首

夢與故人語，語我以相思。纔爲旬日別，宛若三秋期。令弟坐我側，屈指如有爲。須臾湛君至，崔子行相隨。肴醑旋羅列，語笑如平時。縱言及微奧，會意忘其辭。覺來復何有，起坐空嗟咨。

其二

起坐憶所夢，默邈猶歷歷。初談自有形，繼論入無極。無極生往來，往來萬化出。萬化無停機，往來何時息。來者胡爲信？往者胡爲屈？微哉屈信間，子午當其屈。非子盡精微，此理誰與測？何當衡廬間，相攜玩羲易。

其三

衡廬曾有約，相攜倘無時。去事多翻覆，來蹤豈前知？斜月滿虛闌，樹影何參差。林風正蕭瑟，驚鵲無南枝。逡彼二子，慙焉勞

我思。

因雨和杜韻

晚堂疎雨暗柴門，忽入殘荷瀉石盆。萬重滄江生白髮，幾人燈火坐黃昏。客途最覺秋先到，荒徑惟憐菊尚存。卻憶故園耕釣處，短簑長笛下江村。

赴謫次北新關喜見諸弟

扁舟風雨泊江關，兄弟相看夢寐間。已分天涯成死別，寧知意外得生還。投荒自識君恩遠，多病心便吏事閒。攜汝耕樵應有日，好移茅屋傍雲山。

南屏

溪風漠漠南屏路，春服初成病眼開。花竹日新僧已老，湖山如舊我重來。層樓雨急青林迥，古殿雲晴碧嶂迴。獨有幽禽解相信，雙飛時下讀書臺。

臥病靜慈寫懷

臥病空山春復夏，山中幽事最能知。雨晴階下泉聲急，夜靜松間月色遲。把卷有時眠白石，解纓隨意濯清漪。吳山越嶠俱堪額，正奈燕雲繫遠思。

移居勝果寺二首

江上但知山色好，峯迴始見寺門開。半空虛閣有雲住，六月深松無暑來。病肺正思移枕簟，洗心兼得遠塵埃。富春咫尺煙濤外，時倚層霞望釣臺。

病餘巖閣坐朝暝，異景相新得未聞。日脚倒明千頃霧，雨聲高度萬峯雲。越山陣水當吳嶠，江月隨潮上海門。便欲攜書從此老，不教猿鶴更移文。

憶別

憶別江干風雪陰，艱難歲月兩侵尋。重看骨肉情何限，況復斯文約舊深。賢聖可期先立志，塵凡未脫謾言心。移家便住煙霞壑，綠水青山長對吟。

泛海

險夷原不滯胸中，何異浮雲過太空。夜靜海濤三萬里，月明飛錫下天風。

武夷次壁間韻

肩輿飛度萬峯雲，回首滄波月下聞。海上眞爲滄水使，山中又遇武夷君。溪流九曲初諳路，精舍千年始及門。歸去高堂慰垂

白，細探更擬在春分。

草萍驛次林見素韻奉寄

山行風雪瘦能當，會著江花照野航。本與宦途成懶散，頗因詩景受閑忙。鄉心草色春同遠，客鬢松梢晚更蒼。料得煙霞終有分，未須連夜夢溪堂。

玉山東嶽廟遇舊識嚴星士

憶昨東歸亭下路，數峯簫管隔秋雲。肩輿欲到妨多事，鼓枻重來會有云。春夜絕憐燈節近，溪聲最好月中聞。行藏無用君平卜，請看沙邊鷗鷺羣。

廣信元夕蔣太守舟中夜話

樓臺燈火水西東，簫鼓星橋渡碧空。何處忽談塵世外，百年惟此月明中。客途孤寂渾常事，遠地相求見古風。別後新詩如不惜，衡南今亦有飛鴻。

夜泊石亭寺，用韻呈陳婁諸公，因寄

儲柴墟部憲及喬白巖太常諸友。

廿年不到石亭寺，惟有西山只舊青。白拂挂牆僧已去，紅闌照水客重經。沙村遠樹凝春望，江雨孤篷入夜聽。何處故人還笑

語，東風啼鳥夢初醒。

悵望沙頭成久坐，江洲春樹何青青！煙霞故國虛夢想，風雨客途眞慣經。白璧屢投終自信，朱絃一絕好誰聽？扁舟心事滄浪舊，從與漁人笑獨醒。

過分宜望鈴岡廟

共傳峯頂樹，古廟有靈神。楚俗多尊鬼，巫言解惑人。望裡存舊典，捍禦及斯民。世事渾如此，題詩感慨新。

雜詩三首

危棧斷我前，猛虎尾我後；倒崖落我左，絕壑臨我右。我足復荊榛，雨雪更紛驟；邈然思古人，無悶聊自有。無悶雖足珍，警惕忘爾守；君觀眞宰意，匪薄亦良厚。

其二

青山清我目，流水靜我耳；琴瑟在我御，經書滿我几。措足踐坦道，悅心有妙理。頑冥非所懲，賢達何靡靡？乾乾懷往訓，敢忘惜分晷。悠哉天地內，不知老將至。

其三

羊腸亦坦道，太虛何陰晴？燈窗玩古易，欣然獲我情。起舞還

再拜，聖訓垂明明。拜舞詎踴節，頓忘樂所形。歛衽復端坐，玄思親沈冥。寒根固生意，息灰抱陽精。沖漠際無極，列宿羅青冥。夜深向晦息，始聞風雨聲。

袁州府宜春臺四絕

宜春臺上還春望，山水南來眼未嘗；卻笑韓公亦多事，更從南浦羨滕王。

臺名何事只宜春，山色無時不可人；不用煙花費妝點，儘教刊落儘嶙峋。

持修江藻拜祠前，正是春風欲暮天；童冠儘多歸詠興，城南兼說有溫泉。

古廟香燈幾許年，增修還費大官錢；至今楚地多風雨，猶道山神駕鐵船。

夜宿宣風館

山石崎嶇古轍痕，沙溪馬渡水猶渾；夕陽歸鳥投深麓，煙火行人望遠村。天際浮雲生白髮，林間孤月坐黃昏；越南冀北俱千里，正恐春愁入夜魂。

萍鄉道中謁濂溪祠

木偶相沿恐未眞，清輝亦復凜衣巾；簿書曾屑乘田吏，俎豆

猶存畏壘民。碧水蒼山俱過化，光風霽月自傳神。千年私淑心喪後，下拜春祠薦渚蘋。

宿萍鄉武雲觀

曉行山徑樹高低，雨後春泥沒馬蹏。翠色絕雲開遠嶂，寒聲隔竹隱晴溪。已聞南去艱舟楫，漫憶東歸沮杖藜。夜宿仙家見明月，清光還似鑑湖西。

醴陵道中風雨夜宿泗洲寺次韻

風雨偏從險道嘗，深泥沒馬陷車箱。虛傳鳥路通巴蜀，豈必羊腸在太行。遠渡漸看連暝色，晚霞會喜見朝陽。水南昏黑投僧寺，還理義綱坐夜長。

長沙答周生

旅倦憩江觀，病齒廢談誦。之子特相求，禮殫意彌重。自言絕學餘，有志莫與共。手持一編書，披歷見肝衷。近希小范蹤，遠爲賈生勸。兵符及射藝，方技靡不綜。我方懲創後，見之色亦動。子誠仁者心，所言亦屢中。願子且求志，蘊蓄事涵泳。孔聖固邊遠，與點樂歸詠。回也王佐才，閉戶避鄰閭。知子信美才，大構中梁棟。未當匠石求，滋植務培塿。愧子勸縫意，何以相規諷。養心在寡欲，操存舍卽縱。嶽麓何森森，遺址自南宋。江山足游息，賢迹尙堪踵。何當謝

病來，士氣多沈勇。

涉湘于邁，嶽麓是遵，仰止先哲，因懷

友生，麗澤興感，伐木寄言二首。

客行長沙道，山川鬱稠繆。西探指嶽麓，凌晨渡湘流。踰岡復陟嶽，弔古還尋幽。林壑有餘采，昔賢此藏修。我來實仰止，匪伊事盤遊。衡雲間曉望，洞野浮春洲。懷我二三友，伐木增離憂。何當此來聚，道說日相求。

其二

林間憩白石，好風亦時來。春陽熙百物，欣然得予懷。緬思兩夫子，此地得徘徊。當年際童冠，曠代登堂階。高情詎今昔，物色遺吾儕。願謂二三子，取瑟爲我諧。我彈爾爲歌，爾舞我與偕。吾道有至樂，富貴真浮埃。若時乘大化，勿愧點與回。陟岡採松柏，將以遺所思。勿採松柏枝，兩賢昔所依。緣峯踐臺石，將以望所期。勿踐臺上石，兩賢昔所躋。兩賢去邈矣，我友何相違。吾斯未能信，役役空爾疲。胡不此簪盍，麗澤相邀嬉。渴飲松下泉，飢餐右上芝。偃仰絕餘念，遷客難久稽。洞庭春浪闊，浮雲隔九疑。江洲滿芳草，目極令人悲。已矣從此去，奚必茲山爲戀繫。乃從欲，安土惟隨時。晚聞冀有得，此外吾何知。